



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

97. Oelen, VVesterlo & alia praedia pagi Riensis, apud Herentaliam
Brabantiae opidum sita, quae Barones VVesemalij antea possederant, ab
Vltraiectinis Canonicorum collegijs, S. Martini & S. ...

urn:nbn:de:hbz:466:1-10903

legijs, sibi & dictis Ducatui & Marchionatui, præsertim circa portationem & tentionem Ensis Imperialis competentibus, nullum per hoc præiudicium generari, vel in posterum illud sibi posse vel debere quouis modo nocere, quod præfatus Dux Saxonie, in hac curia nostra, Ensem ipsum ante faciem nostram gestauit, & etiam circa mensam nostram Imperialem tenuit coram nobis; præsentium, sub Imperialis Maiestatis nostræ sigillo, testimonio litterarum.

Datum Metis anno Domini M. CCC. LVII. Indictione X. Nonis 1357.
Januarij, stilo Gallico, regnum nostrum anno XI. Imperij vero secundo.

Signum Boëmundi Archiepiscopi Treuerensis.
S. Gerlaci Archiepiscopi Moguntinensis.
S. Wilhelmi Archiepiscopi Colonensis.
S. Roberti Comitis Palatini Rheni.
S. Ludouici Marchionis Brandenburgensis.

N O T A T I O .

QVORVM virtute.) Notet Lector, Wenceslaum non ut Luxemburgi, sed ut Brabantie Ducem, & S. R. Imperij Marchionem, prætempore munus Ensiferi Imperialis.

C A P V T X C V I I .

Oelen, VVesterlo, & alia prædia pagi Riensis, apud Herentaliam
Brabantie opidum sita, que Barones VVesemalij antea posse-
derant, ab Ultraiectinis Canonorum collegijs, S.
Martini & S. Saluatoris, dantur in emphi-
teusim Richardo domino de Merode
& Frentz. Id liquet ex diplo-
mate dato an. 1429.

VNiversis & singulis Christi fidelibus presentia visuris se auditri-
ris, nos Decani & Capitula maioris, & S. Saluatoris Traiecten-
sis, ecclesiarum, in opido Arnhemensi, Traiectensis dioecesis, re-
sidentes; translatione Capitulorum nostorum & aliarum ecclesia-
rum

rum Traiectensium ad dictum opidum, propter obedientiam S. Sedis Apostolicæ debitam, facta, & confirmatione Apostolica desuper canonice obtenta & subiecuta, cupimus fore notum;

Quod licet pridem, transactis nonnullis annis, postquam bona nostra & ecclesiarum nostrarum supradictarum de Oelne, Westerloë, Quakenbeke, Harssele & Berchem, cum suis pertinentijs, per mortem spectabilis Baronis quondam domini Ioannis, domini de Wesemale & de Phalaïs, ad nos & dictas nostras ecclesias fuerunt legitimè devoluta, dicta nostra bona strenuo & nobili viro domino RICHARDO, domino de Merode & de Vrentzen, vocatis vocandis, vñanimiter in perpetuam concesserimus emphiteofim, traditis sibi desuper litteris oportunis;

Ipseque noster emphiteota nobis singulis annis, iuxta exigentiam cōtractus desuper habiti & celebrati, realiter satisfecerit de eisdem;

Nihilominus tamen, pro ut fama volante didicimus, quidam Iohannes, afferens se de Wesemale & Phalaïs dominum (propter dissidationem & dissidatorum nostrorum receptionem, ordinarijque fauorem, ac rapinas, violentias & impedimenta, contra nos & dictas nostras ecclesias per ipsum attentata, deducta & probata, seruatis ea in parte seruandis, auctoritate Apostolica, per Conservatorem nostrum, & bonorum & iurium ecclesiarum nostrorum, excommunicatus, aggrauatus & interdictus, inuocato etiam contra eumdem auxilio brachij sæcularis)

A nonnullis olim nostris Concanonicis & confratribus, in ciuitate Traiectensi, ecclesiastico interdicto supposita, continuè profanantibus, & contra mandata Apostolica, & reuerendum dominum nostrum Episcopum Traiectensem rebellibus, & ian dudum ob hoc excommunicatis, interdictis, & suis beneficijs auctoritate Apostolica priuatis, quasdam prætensas concessiones, & litteras nescio quales, de iure nullas & inualidas fertur obtinuisse:

Quarum prætextu, contra nos & dictum nostrum emphiteotam, se defendere & iuuare iactauit & comminatus est, iactat & comminatur.

Nos igitur serie præsentium testificamur, dicimus, & singulis Christi fidelibus notificamus, præfatum dominum RICHARDVM, dominum de Merode & de Vrentzen, nostrum verum fore & esse dictorum nostrorum, & ecclesiarum nostrarum prædictarum, bonorum

norum de Oelue, Westerlo, Quakebeke, Hersel, & Berchem, cum suis pertinentijs, emphiteotam:

Concessionesque & litteras, si quas dictus Ioannes, afferens se de Wesemale & Phalais dominum, excommunicatus, aggrauatus & interdictus, à prædictis olim nostris Concanonicis & confratibus, profanantibus, excommunicatis & interdictis, ac suis beneficijs similiter priuatis, ut præmittitur, obtinuerit, fore friuolas & inanes, & contra nostram voluntatem concessas.

Requirentes, admonentes & exhortantes quoscumque Christi fideles, quatenus præfatum dominum Richardum, emphiteotam nostrum, nosque & dictas nostras ecclesiias, in præmissis omnibus & Engulis, tueri & defendere, nec non præfatum Ioannem, afferentem se de Wesemale & Phalais dominum, ut præfertur, excommunicatum, aggrauatum & interdictum, refutare & vitare, concessionesque & litteras prætensas, si quas modo prædicto receperit & obtinuerit, tamquam friuolas & inanes tenere velint, nullam eisdem fidem quouis modo adhibendo.

In quorum omnium & singulorum fidem, & testimonium præmissorum, præsentes nostras litteras sigillorum ecclesiarum nostrarum prædictarum fecimus appensione communiri.

Datum in opido de Arnhem, anno Domini millesimo quadragesimo vice simo nono, mensis Iulij die vice sima.

N O T A T I O N E S .

MATORIS.) Major ecclesia h̄ic dicitur ecclesia cathedralis Vlraiectina, S. Martino sacra. De qua, itemque de ecclesia Canonico-rum S. Salvatoris, in eadem vrbe Vlraiectina, vide to. i. Cod.

OELVE) nunc Oelen, vicus Campaniæ Brabantia, haut procul ab Herentalia opido, gaudet titulo Comitatus: spectatque ad gentem Merodiam, ut & WESTERLO, arx & vicus in eadem Campania, quem titulo Marchionatus an. 1626. Philippus IV. Rex Catholicus decorauit.

WSEEMALE) vetus Baronia Brabantia: de qua supra cap. 87, egimus.

PHALAIIS) seu Falais, arx & vicus diœcesis Namurcensis, haut procul ab Huio opido, Comitatus dignitate ab Alberto Pio Belgarum

F f rum

rum Principe nobilitatus, olim Burgundicæ, nunc gentis Noyelle,
MERODE) arx, vicus & Baronia in Ducatu Iuliacensi, à qua cognomenum induit illustris familia Merodiorum.

VRENTZEN,) hodie Frents, Baronia in eodem Ducatu Iuliacensi, possidetur à Middelburgensi in Flandria Comite, ex eadem gente Merodia.

Stemma Merodiorum.

1. RICHARDVS dominus de Merode & Frents, Oelen, Westerlo, & alia prædia pagi Riensis, ab Ansfrido, Bratuspantium & Hoenfium Comite, Ultraiectinæ ecclesiæ (vt to. 1. Cod. cap. 43. docui) donata, in emphiteusim ab eadem accepit, exclusis Wesemalijs: vt ex tabulis hoc capite productis constat.

Vxorem duxit Beatricem, dominam de Petersem prope Traiectum Mosæ, de Lefdale in diœcesi Antuerpiensi, de Oirschot & Hiluerenbeke in diœcesi Siluiducensi. Ex ea filios sustulit, Ioannem Petersemij, Richardum Frentzij dominum, & Guilielmum.

A Richardo originem trahunt Marchiones de Treslon, Barones de Frents, Comites Middelburgenses: vt infra commonstrabo.

A Guilielmo (cui vxor fuit Ioanna vander Aa, domina de Veuilen) stemmata sua deducunt Barones de Duffel, domini de Waroux, de Iehay, vulgo Iey, de S. Peeters-Houck, de Rummen, & alijs.

2. IOANNES de Merode, Westerloæ, Petersemij & Lefdalæ dominus, ex Aleide, filia & herede Ioannis de Hornes, domini de Duffel, Peruvves & Gele, genuit Richardum.

3. Richardus Merodius, Westerloæ, Petersemij, Lefdalæ, Duffelæ, Perueti & Gelæ dominus, ex Margarita de Hornes reliquit Henricum.

4. Henricus Comes de Oelen, dominus de Merode, Petersem, Westerlo, Lefdale, Duffel, Peruvves, & Gele ex Francisca Brederodia procreauit Ioannem Walrauum dominum de Lefdale, Ioannam Baroni de Hers, & alteram filiam domino de Milendone nuptam.

5. Ioannes Merodius, Comes de Oelen, Baro de Merode, Petersem, Peruvves, Lefdale, dominus de Gele, Westerlo & Iselmonde, duas habuit coniuges, Manciam de Berges Marchionissam Bergizensem

mensem an. 1558. & Margaritam de Pallant, filiam Edmundi Baronis de Pallant & Culenburg.

Ex Mancia nata est filia unica MARGARITA MERODIA, Marchionissa Bergizomenensis, Gelæ & Perusij domina, nupta Ioanni de Withem, Baroni de Bersele: ut supra cap. 87. docui.

Ex Margarita Pallantia natus est PHILIPPVS, & filiæ quinque: Odilia, Helena, Mancia, Francisca, & Iuliana vxor Amoraldi de Hornes Vicecomitis Furnensis.

PHILIPPVS Merodius Comes de Oelen, dominus de Westerlo, Petersem, &c. pompa funebri Alberti Austriaci Belgarum Principis Bruxellæ interfuit, & an. 1627. viuere desit.

Ex Helena Merodia, Ioannis Houfalise domini filia, domina de Montfort & Han-sur-Euse, reliquit Ioannem, qui in prælio Pragensi fortissimè pro Ferdinando Cæsare pugnans cecidit, & PHILIPPVS, qui à Philippo IV. Rege nostro primus Westerloæ Marchio an. 1626. est renuntiatus.

*Stemma dominorum de Houfalisæ, & Marchionum
de Treslon.*

RICHARDVS Merodius, Richardi & Beatrixis Petersemiaæ filius, ex Elisabetha domina de Houfalisæ & Moriamè, in agro Leodiensi, genuit Richardum Houfalisæ, & Richardum Frentzij dominum.

Richardus Houfalisus Franciscum, Franciscus ex Tolenta de Hennin Ioannem Houfalisæ dominum, & Ludouicum sustulit.

Ioannes Houfalisæ dominus ex Philippa domina de Montfort in diœcesi Ultraiectina, genuit Helenam Merodium, Philippo Merodio, Comiti de Oelen, an. 1627. defuncto, nuptam.

LUDOVICVS, Ioannis frater, vxorem habuit Ludouicam de Blois, dominam de Treslon in Hannonia, & ex ea filium Philippum.

PHILIPPVS Merodius, à Philippo IV. primus Marchio de Treslon an. 1625. creatus, an. 1627. viuere desit, ex N. Arenbergica relictis tribus filijs.

1.

2.

3.

4.

5.

*Stemma Baronum de Frents in ditione Iuliacensi, & Comitum
Middelburgensium in Flandria.*

1. RICHARDVS Merodius, Richardi & Elisabethæ Houfalisæ seu Moriamæ filius, dominus de Frents, genuit Richardum.
2. Richardus vxorem habuit Franciscam de Bochout, filiam N. Baronis de Boulaer, & ea sustulit Richardum.
3. RICHARDVS de Merode, Baro de Frents, duxit Margaritam de Oignies, heredem dicti vici de Oignies, & opidi Middelburgensis in Flandria. Ex ijs nati, Philippus Comes Middelburgensis, & Richardus dominus de Oignies, in obsidione Bergizomensi an. 1625, cæsus.
4. PHILIPPVS de Merode, primus Comes Middelburgensis ab Alberto Pio Belgarum Principe (cuius Oeconomus fuit) creatus, Baro de Frents, Vicecomes Ippensis, dominus de Chastelineau, Vatene, Lambuissart & Linselles, vxorem habuit Ioannem de Montmorency, Baronissam de Croisilles & Chaumont, dominam de Glajon, Signy le petit, S. Legier, Wancourt, Vraucourt, Guemappe, Houplines, Coquelare, Molimont & Nieucapelle, filiam & heredem Georgij de Montmorency, Baronis de Croisilles, & Franciscæ de Iausse, dictæ Mastaing. Obiit an. 1625.
Ex hoc matrimonio nati, Georgius, qui an. 1613. obiit, Philippus, Margarita-Isabella, an. 1611. nupta Philippo Amoraldo de Villain, Comite de Isegem, Florentia & Franciska moniales in Carmelo Bruxellensi, Maria nupta Philippo de Iausse, dicto Mastaing, anno 1621. defuncta, Claudia nupta Eustathio de la Vieille, domino de Steinvorde, Ludouica Canonica Niuellensis, Clara-Eugenia, quæ agit in gyncecio Isabellæ Hisp. Infantis, & Ioanna-Eleonora.
5. PHILIPPVS Merodius, Philippi F. Comes Middelburgensis, Baro de Frents & Croisilles, Vicecomes Ippensis, &c.

CAPVI